



閩南涉臺族譜彙編

027



名譽主編：陳支平 林曉峰 林 彬
主 編：蕭慶偉 鄧文金 施榆生




國家『十二五』重點圖書出版規劃項目
國家新聞出版改革發展項目庫項目



閩南涉臺族譜彙編

027



名譽主編：陳支平 林曉峰 林 彬
主 編：蕭慶偉 鄧文金 施榆生



福建人民出版社
Fujian People's Publishing House

海峽出版發行集團

目 錄

晉江滬江楊氏家乘（二）	一
漳州楊氏松澗系五大房系譜	四三
石獅曾坑楊氏四端堂家譜	一八一



晉江
深滬

晉江滬江楊氏家乘（二）

楊柯煥等
編撰
康熙年間
刊本

○ 晉江瀨江楊氏家乘誌于左

先府君漢隱公楊府君墓誌
滬江獅頭由先祖古直公傳五世至于祖考文獻公
公舉丈夫子二長思早早没于粵先君居季生而鶴
髮玉顏目不遠視甫週歲而王父仙遊王母吳氏躬
身撫養至于成立性至孝有高志大節落筆成章而
吾母又能承其志以悅姑後遊粵以德行文藝皆聲
粵之人士相與遊焉其慷慨好義剛直性成內外懿
親絕繼者為之設主奉祀使神有所依少時受伯父
翼南一脉訣遂得義農精蘊所籍以濟人者終其世
凡數十年益不為俗所稱賢道而錙銖較計者也本
欲積累回鄉為諸先人安窆計歲辛丑
聖朝功令祥里逢遷有志竟不逮父生於萬曆甲辰
年閏九月十五日子時卒于康熙乙巳年十月初一
日卯時享年六十有二娶同郡福全處士次陽林公
之女及遭遷移父遣孔回家省視迎母入粵不幸以
是年卒于晉邑之錦塘暫葬其里舉丈夫子三長幼

聘于約橫張公之女皆同郡人孫男斗尚幼茲己酉
孟夏之望日卜塋于羊城北門外之貴壚岡枕丑揖
未痛孔等碌碌無似塋不能成禮僅苟簡從事聊妥
先靈地下執紼扶柩痛貫心骨謹揮淚以誌不刊云
康熙八年己酉肆月十五日辰時穀旦孝男^{孝男}泣血勒石記

附記墓坐向 內用丑未兼癸丁丑丁未分
金外用丑未兼艮坤辛丑辛未分金

誌內學辨後改字說復庠名柯煥
誌內約橫張公即淨岳張公

○明處士貴吾楊公登妣勤慈陳孺人墓誌銘

鄉進士吏部揀選知縣癸酉科舉人年會家晚生蔡洛頓首拜撰文

鄉進士吏部候選儒學教諭戊午科副榜年會家晚生李士鳳頓首拜篆額

歲進士吏部候選儒學教諭門晚生洪鵬頓首拜書丹

有明處士貴吾楊公溫陵晉江人星章昆王之曾王父也

諱勝寶

字乾玉世居滬江青輿鄉爲始祖姑山公九世孫質軒公長子隱德不仕惟樂琴書以自娛善事父母愉色婉容夙以孝稱仲叔遠服賈操奇贏而公居家攄持其綱紀人謂之難弟難兄而不知公率先雍睦怡怡天性蓋有深焉者也爲人恢弘大度樂與人爲善人多化於其德有王彥方之風焉扶人之危濟人之急施予不倦而終不矜伐同諸第營建居室壯麗甲諸鄉遠邇榮其輪奐而公惟以不克堂構爲懼蓋滿而不溢殆古所稱淑人君子者耶元配孺人陳氏滬江后山望族一陽公女嫺內則識大義滑滌瀆

以事舅姑警鷄鳴以勗夫子 公之孝友忠信樂善好施 孺人
實有以相之聞其壽終之日沐浴更衣端坐而化夫 孺人素不
佞佛而拈花微笑無異菩薩西歸則其生平之淑行懿德亦可概
見矣 孺人與 處士公誰謂不足並垂于不朽者哉今其曾孫
星章諸昆季占籍粵東之南海念 公二樞昔以故里播遷未得
宅兆之安因遷來粵卜地于南海沙九堡沙涌村之和順鬱岡涓
今康熙四十三年甲申八月念五壬辰日申時奉而合葬焉坐乾
向巽兼戌辰之原蓋與 公之孫趾國公同塋封居左之昭云洛
與星章之弟歲進士其章年會兄石友承誌銘之命不勝景仰之

懷因爲撮其槩而系之公生于明嘉靖癸卯年八月十六日吉時
卒于萬曆丙辰年八月初五日辰時 孺人生于明嘉靖乙巳年
六月十七日戌時卒于天啓乙丑年十月初一日酉時舉丈夫子
四翼南公文陬公耀南公特南公皆有賢譽振耀當時翼南公生
孫男二文陬公生孫男二長曰思早公次曰漢隱公即星章其章
之先大人也耀南公生孫男一曾孫男二其同塋耻國公則特南
公之所自出也茲曾孫爲漢隱公子者二孚炳柯煥惠來歲貢生
爲耻國公子者二孚耀享年四十二孚煒元孫爲孚炳出者六道
堯南海太學生享年三十六道至道基道坪坪未娶卒道堅道垂

爲柯煥出者一道坦爲孚耀出者二道均享年三十道坊爲孚耀出者一道堦耳孫爲道堯出者三起鵬起鶚起鶩而鶩爲道均嗣從今開創基業重興門第綿綿永日蕃盛矣銘曰

處士隱德
孺人婉光
生則齊眉
歿則同封
惟茲宅兆

南海之陽 沙涌其里
和順鬱岡 山川擁護
魂魄其康

祐爾孫子
千億斯皇

皇清康熙四十有三年歲次甲申八月念五穀旦

衷事曾孫
 字煥 字炳 字煥
 元孫
 道坊 道至 道基
 道垂 道坦 道堅
 道堦
 耳孫
 起鷺 起鵬 起鷄
 全稽首拜勒石

○皇清待贈耻國楊公暨妣勤懿許孺人誌銘

鄉進士吏部揀選知縣癸酉科舉人年會家眷姪蔡洛頓首拜謨文
鄉進士吏部候選儒學教諭戊午科副榜年會家眷姪李士鳳頓首拜篆額
歲進士吏部候選儒學教諭門孫洪鵬頓首拜書丹

耻國楊年伯先生晉邑滬江之青嶼人爲特南公之子貴吾公之
孫蓋世以忠厚爲傳述者也余石友其章年會兄既以曾王父母
誌銘屬余因其同封也復以爲請故并書而系之 先生 諱震厯
字開祚幼而倜儻長而卓犖性至孝十三失恃哀毀骨立而于高
堂色養又能得膝下之歡心待人以厚持己以廉間有排解徃徃

却餽遺而弗受兵燹之後比戶困窮諸從昆弟欲售先人巨廈而共分其直先生堅持不可雖遷界之日園宅灰燼人多咎公而了無悔恨蓋追先人創業之艱而効其世守其孝思尤有深焉者矣年伯母許太孺人爲晉江石龜右族之女夙稱閨秀于歸先生鷄鳴警旦孝事家翁而尤以不逮事姑爲憾歲時竭誠薦享儼然如有所見聞焉崇禎末海氛頻仍室如懸磬先生脩菽水以承歡孺人佐以十指之勤甘旨無缺至今猶在人口碑辛卯橫遭海寇孺人襁負穉子其章而逃以神助得脫故余前爲孺人傳特于此三致意焉以爲其章異瑞之徵也當先生暨

大虞時 孺人實與有力是以終身食貧陶然相敬古稱少君孟
光其人者何多讓歟 先生與其兄 漢隱公友愛而 孺人娣
姒尤雍睦漢隱公艱於子息爰欣然割愛以仲叔二子爲漢隱公
嗣其敦倫仗義又豈易求之叔季之世哉自是親愛益篤無何歲
辛丑濱海遷入內地娣姒二人接踵仙去豈其生不相睽死亦不
相離者耶故里既墟 先生歷潮至粵卜居羊城之西廂未幾從
赤松子遊令子因遷 孺人柩以來合葬于西村幾三十年矣今
令子悔其時之少不更事卜地不祥懼魂魄之不獲其安乃以康
熙四十三年甲申八月念五壬辰日申時改葬于南海縣沙丸堡

沙涌村之和順巽岡坐乾向巽

王父母同封而居其右聞之古人抱孫不抱子幽明一理諸令子

亦推其義而通之以安九原之靈云爾 先生生於明萬曆甲寅

年八月十七日巳時卒于清康熙辛亥年七月初五日丑時 孺

人生于明天啓辛酉年閏二月十三日丑時卒于清康熙壬寅年

正月初四日未時舉丈夫子四長字耀享年四十二娶惠來曾諱

應元公長女四字煒娶塘東蔡

諱

大綱公三女其次字炳三歲進

士柯煥自幼出嗣漢隱公孫男三道均享年三十娶陳氏改節道

坊娶安平柯諱時逢公之女俱字耀出道壻未聘字煒出曾孫

一起驚道均嗣子孫女四孚耀出者二長適候選州司馬黃諱士

奇公次男諱廷璋廣寧縣儒學教諭祖安平人次適安平蔡諱荆

揚公男諱景炎孚煊出者二尚幼曾孫女一尚幼道坊出出嗣男

孚炳生孫男六人孫女四人曾孫男三人其一爲嗣道均曾孫女

六人柯煥生孫男一人孫女三人雖曰爲人子者爲人後亦皆

先生之所自衍也枝葉雲仍蓋繩繩未艾矣銘曰

乾健坤順 相敬如賓 孝友雍穆 並垂千春 卜茲宅兆

祖孫同墳 實惟南海 沙涌之村 和順爵岡 水涯山岫

地靈人傑 孫子振振



皇清康熙四十有三年歲次甲申八月念五壬辰穀旦

裏事

承重嗣曾孫起鶯稽顙拜
不孝男孚煒泣血稽顙拜
暮服孫道坊道楷稽顙拜全勒石

降服出嗣男

孚炳柯煥

率孫

道全道堅道坦道垂

曾孫

起鵲起鴨

全稽首拜

○皇清待贈楊門顯妣儉敏陳氏孺人墓誌銘

先嫂孺人儉敏陳氏晉江京濱人與我滬江爲隣父光俊公商于

粵娶東官尹氏以順治己丑年五月十六日己時生孺人婉婉靜

淑秉姿聰慧刺繡組紉不學而能光俊公與先大人交最厚同居

羊城之西廂遂聯姻以孺人歸我伯兄譚孚炳字星章于歸

以來適丁先大人喪哭泣盡哀裏祭葬必慎必誠蓋其孝謹之